

Landesbibliothek Oldenburg

Digitalisierung von Drucken

Jahrbuch für das Oldenburger Münsterland

Vechta, Oldb, 1969-

Theo von Garrel: Lüchten

urn:nbn:de:gbv:45:1-5285

He kann mit sien Wäten noch gaut ein paor Nieten
so ganz näbenbi dör ein Schauljohr mitrieten.
Mit lern'n oder piesacken heff he kien Noot –
schall heiten, üm fallt dat man so in 'n Schoot.

Nu giff dat uck Lüü', de hollt dat för wiß,
dat de Junge bi Vullmaond up de Welt kaomen is!

Theo von Garrel

Lüchten

Wenn Neimaond is, de Lucht is klor,
un Wulken sünd uk kiene dor,
dann gleiht de Steerns un sünd an 't glimmern,
un sülwst de fernsten do't noch schimmern.
De Melkstraoten, dat Straohleband,
wiest us een Siet ut 't Wunnerland.

Wenn Vullmaond is, de Lucht is klor,
un Wulken sünd uk kiene dor,
dann gleiht de Maond un is an 't glimmern,
de neegsten Steerns, de do't blots schimmern.
De vulle Maond, een stolten Mann,
de alens äöwerlüchten kann.

Lisa Tepe

Ella hupp !

At Schoulkinner freuen wie us immer uppe grautn Pause. Wat konn'n wie dann fein sperln, Seeilspringen, Völkerball oder Ball anne Wand, Hinke-Pinke, un auk mit use bunten Knicks. Manges keump orwer „deei Pole Andrey“ (Kriegsgefangener) mit Perd un Wagen vöbie, heei woll dann norre Mörln un ha immem paar Püngels Ködn uppn Ackerwagen.

Wie Kinner läupn dann an'n Hagen un räupn: „Ella prrr“, prompt bleif dat Perd staun. „Ella hupp“, ser Andrey, un Ella trück wir an. „Ella prrr“, un deei aule Zosse bleif wir staun.

Use Lärher hat woll all seein, ower heei läut us usen Sposs. Bios eeinmaul dor weut et denn Andrey tou dumm. Heei sprung von'n Wagen, bünd siene Ella anne Ringsen, un mit eein'n grauten Satz wö heei orwem Hagen. Heei läup up denn Lärher tou, un futere in sien broken Dütschk: „Hallo Leller, warum Kiender iimer laufen lassen, Kiender iimer sprärken prrr, prrr. Kiender ricktik Schweinekiend.“ Use Lärher räup us tousamm'n un segg ganz streng: „Das ist jetzt ein für allemal vorbei, habt ihr mich verstanden?“

Un dat harn wie alle richtig vöstaun. Vöde Andrey wir mit sien Perd vöbie, dann kribbelde et us, ower wie traun us nich mä tou roun. Heei lachede dann un winkede us auk noch tou. Wie keiken dann ännem Weg henn, un dän sau, as wenn wie äm ganich seigen.